

Кептелістен
құтылатын
күн жақын
2-бет

«Өрт шығады»
деп от жақпасақ,
не болады?
3-бет

Әлем
рекордындағы
алып құрақ
8-бет



ОРТАЛЫҚ ҚАЗАҚСТАН

1931 жылдың 4 қазанынан
бастап шығады

ҚАЗДАУЫСТЫ ҚАЗЫБЕК БИ: СӨЗДІҢ АТАСЫ – БІРЛІК, АНАСЫ – ШЫНДЫҚ
Қ А Р А Ф А Н Д Ы О Б Л Ы С Т Ы Қ Қ О Ф А М Д Ы Қ - С А Я С И Г А З Е Т І

www.ortalyq.kz

www.instagram.com/ortalyq.kz/

БЕЙСЕНБІ, 19 ҚЫРКҮЙЕК, 2024 ЖЫЛ №105 (23 427)

www.facebook.com/ortalyq.kz/

info@ortalyq.kz

• ПРЕЗИДЕНТ ЖОЛДАУЫ – ЕЛ МҮДДЕСІ

Банк туралы заң бұқараға не береді?

Банктердің кері қараған басы бері қарауы тиіс. Пайдаға белшесінен батып, осы күні мұрты көкке шаншылған екінші деңгейлі банктер шағын және орта бизнеске келгенде шық бермес шығайбайлықты қоюы керек. Мемлекет те, бұқара да бір кездері сонау 2009 жылдардағы қаржы дағдарысында деміге бастаған банктерге Үкіметтің дем бергенін ұмытқан жоқ. Әл-дәрменсіз қалғанда елдегі екінші деңгейлі банктер биліктің бауырына тығылып, басына сауға сұраған кез болған. Мемлекет қайырым қылған сол кезде. Енді сол банктердің қазіргі күні кәсіпкерлерге қол ұшын созуы кем. Бір кезде тонын секірген банк енді жұртқа тоғышарлық танытып жатқаны да өтірік емес. Сондықтан да, Мемлекет басшысы Қасым-Жомарт Тоқаев Жолдауда бұл банктердің елге тиімділігін арттыратын тетіктер қарастыруды тапсырды. Банк туралы жаңа заң қажеттігіне назар аударғаны белгілі. «Ақша-несие саясаты мен фискалды саясаттың арасындағы үйлесімсіздікті жою қажет» деді Президент. Нақты секторға несие берудің жоспардағыдай еместігін де айтқан Президент сонда. Ол былай тұрсын, сырт елдің сарапшылары біздің банктерді «ен көп пайда табатын банктер санатына қосады» екен. Бүгін байлықтың ортасында бейқам күн кешкен банк жүйесі туралы айтпақпыз...

діруде белсенді. Проблемалық несие 2 пайызға азайған.

Екінші орында несиелік портфелі өсімінде – Home Credit Bank. Оның үлесі 15,2 пайызға өскен. Дегенмен, есесіне проблемалық несиелер 6,3 пайызға көбейген. Үштікті «Банк ЦентрКредит» түйінде тұр. Портфелі – 14,6 пайыз. Жалпы алғанда, Қазақстанның 21 банктің арасында 14 банктің кредиттік портфелінде өсім айтарлықтай.

Қызғалақ АСҚАРҚЫЗЫ,
«Ortalyq Qazaqstan»

Банк қалай тыныстап тұр?

Қазақстанда дәл қазіргі уақытта 21 екінші деңгейлі банк бар. Ал, Қарағандыда ifin.kz порталының дерегіне, екінші деңгейлі 15 банк жұмыс істейді. «Жалпы, түрлі банктің 67 бөлімшесі қызмет жасап отыр» дейді «қараганда.казкредит.ком» сайты.

Енді осы елдегі банктердің экономикадағы несие портфеліне үйілейік. Ұлттық банктің шілдедегі дерегіне, аталған банктер бір айда (шілдеде) 30 519 273 теңге несие беріпті. Оның мәрбесіне қарасақ, 20 724 153 теңгесі – жеке тұлғаларға, ал, 9 795 119 теңгесі – заңды тұлғаларға берілген. Субъектінің типіне шаққанда осы несиенің 11 778 360 теңгесі ғана кәсіпкерлерге бағытталыпты. 18 740 912 теңгесі – тұрғындарға кәсіпкерлік емес мақсатта жол тартқан екен. Президент те Жолдауында, сондықтан да, осыған баса назар аударған-ды.

«Қазір нақты секторға несие әлі де ойдағыдай берілмей жатқанын ашық айтуымыз керек. Шағын және орта бизнесі жеткілікті қаржыландыру мәселесі де шешімін тапқан жоқ. Бұл жағдай еліміздегі іскерлік ортаның белсенділігіне, экономиканың тұрақтылығына және дәйекті дамуына кедергі келтіріп отыр. Үкімет пен Ұлттық Банк бірлесіп, осыған қатысты онтайлы шешімдер ойластыруы керек. Банктердің экономикаға көбірек қаржы құюына жағдай жасау қажет.

Халықаралық сарапшылар қазақ банктерін ресурсқа бай елдер ішіндегі ең көп пайда табатын банктер санатына қосады. Сондықтан, осы саладағы салық мөлшері әділ белгіленуге тиіс. Банктердің акционерлері дивидендіне сәйкес салық төлеуі керек. Банктерге мемлекет көрсеткен көмек тұрғысынан қарасақ, бұл – өте орынды ұстаным.

Цифрлық активтердің айналымын қамтамасыз ету және банк саласына инновацияларды қауіпсіздік талабына сәй-



Коллаж жасаған Ш.Адамбекова

кес енгізу үшін оны реттейтін тетіктердің тұрақты болуы маңызды.

Бізге Банктер туралы жаңа заң қажет. Бұл құжатта экономикалық белсенділікті қолдау және финтех саласын қарқынды дамыту сияқты өзекті мәселелер шешімін табуы керек. Қазір қолданып жүрген заң шамамен 30 жыл бұрын қабылданған. Ол кезде заман да мүлде басқа болды», – деді Президент.

2024 жылдың жарты жылдығында Қа-

зақстанның екінші деңгейлі банктерінің сұуда портфелі – 32 трлн теңге. Бұл туралы Ranking.kz хабарлады. Бұл болса, өткен жылмен салыстырғанда 7,1 пайызға, яғни, 2,1 трлн теңгеге көп.

Несие портфелінің өсімі бойынша ірі банктер арасында Bank RBK көш бастап тұр. Ол қаржы көлемін 15,4 пайызға арттырған. Порталдың дерегіне, Bank RBK тұрғындарды да, бизнесті де несиелен-

Олигархтарға басыбайлықтан құтқарады

Банк заңындағы өзгерістер мамандардың айтуынша, көп жайттың күрмесін шешеді. «Бұл, ең алдымен банктердің жауапкершілігін күшейтіп, банктердің белгілі бір олигархтардың мүддесін қорғаудан құтқарады», – дейді сарапшы-экономист Сапарбай Досжанов.

► 4-бет

• ӘЛЕУМЕТТІК ҚОЛДАУ

Тең қоғам – тең мүмкіндік

Қарағанды облысы мүгедектігі бар адамдардың саны жағынан республикада үшінші тұр. Қарағанды қаласының өзінде 25 мыңнан астам мүгедектігі бар адам бар. Олардың көпшілігі мамандардың айтуынша, өз құқықтарын білмейді, мемлекет тарапынан жасалып жатқан тиесілі көмекті толық көлемде алмайды. Екі жыл бұрын ашылған «Теп Qogam» мүгедектігі бар адамдарды әлеуметтік бейімдеу орталығы аталған кемшілікті жою үшін осы санаттағы азаматтармен нақты жұмысты қолға алған.

Жансая ОМАРБЕК,
«Ortalyq Qazaqstan»

Облыстық жұмыспен қамтуды үйлестіру және әлеуметтік бағдарламалар басқармасының дерегіне, бүгінгі таңда өңірде 54 932 мүгедектігі бар адам тіркелген. Оның ішінде балалар – 5 206. Мүгедектігі бар адамдардың басым көпшілігі жұмыс істеуге қабілетті. Дерек бойынша 32 693 адам жұмыс істеп, нанын тауып, жей алады. Яғни, оларға денсаулық жағдайына қарай жұмыс табуына қолғабыс ету керек. Орталыққа келетіндердің айтатын басты мәселелерінің бірі – осы, жұмыс табуға көмектесу.

Әлеуметтік бейімдеу орталығының жетекшісі Нияз Сүндеталиевтің айтуынша, мұнда жұмыс іздеушілермен қатар, жұмыс берушілер де жиі келеді.

– Мүгедектігі бар адамдарды жұмысқа алуға дайын жұмыс берушілер аз емес. Қазіргі уақытта оларға мемлекет тарапынан айтарлықтай жеңілдік бар. Мәселен, мемлекет мүгедектігі бар адамның еңбекақысының жартысын субсидиялайды. Ол адамды жұмысқа алған кезде арнайы теру машинасын, арнайы жарықтандыру, тактильдік нұсқаулық, дыбыстық құралдарды орнату

қажет болса, мемлекет оның да шығындарының бір бөлігін өтеп беруге әзір. Көп жұмыс берушілер бұл туралы біле бермейді. «Алғашқы жұмыс орны», «Күміс жас», әлеуметтік жұмыс орны және басқа да жобалар бұл адамдарды жұмысқа орналастыруға септігін тигізеді», – дейді Нияз Аделұлы.

► 4-бет



Коллаж жасаған Ш.Адамбекова

• ПРЕЗИДЕНТ ЖОЛДАУЫ – ЕЛ МҮДДЕСІ

Еңбегіне қарай құрметі

2024 жылдың 2 қыркүйегінде Мемлекет басшысы Қасым-Жомарт Тоқаев «Әділетті Қазақстан: заң мен тәртіп, экономикалық өсім, қоғамдық оптимизм» атты Қазақстан халқына Жолдауын ұсынды. Президент өзінің сөзінде экономика, білім, денсаулық, экология, мемлекетті басқару, т.б. маңызды мәселелер туралы сөз қозғайды. Оның ішінде 2025 жылды «Жұмысшы мамандықтар жылы» деп жариялады.

Бұл жағымды жаңалыққа мамандарды даярлайтын оқу орындарының ұжымы ризашылығын білдіреді. Қазір оқу орындары болашақ мамандарды жұмыс берушімен бірге даярлайды. Мұның нәтижесі зор. Студенттер теорияны тәжірибемен ұштастырады, нәтижесінде мықты мамандар пайда болады. Өзім жұмыс істейтін колледжде техникалық мамандықта оқитын студенттердің барлығы дерлік грантта оқиды. Бұл мемлекет тарапынан берілген жастарға деген қамқорлық деп ойлаймын.

Бір кездері жұмысшы мамандығына көңіл бөлінбейтін, ал, қазір өз мамандығына жылдар бойы адал қызмет жасап жүрген мамандар «Адал азамат – Адал еңбек – Адал табыс» қағидатына сай, қоғамдық орындарда бағаланатын болды. Президент өзінің сөзінде «біздің қоғамда еңбеккерлік, кәсібилік сияқты қасиеттер өте жоғары бағалануға тиіс. Өз кәсібін жетік меңгерген мамандар ұлт сапасын арттырады. Сондықтан, біз еңбек адамының мәртебесін көтеріп жатырмыз. Бұл бағыттағы жұмыс тоқтамайды, жалғаса береді», – деді.

Осыдан бірер жыл бұрын көп жыл еңбек еткен мұғалімдерге, дәрігерлерге және мәдениет қайраткерлеріне атақтар беру қажет деген болса, енді инженерлерге, геологтарға, кен орнын игеруші мамандарға, ауыл шаруашылығы, көлік және су саласының қызметкерлеріне, ғалымдар мен өнертапқыштарға берілетін құрметті атақтар мемлекеттік марапаттар санатына қосылатындығын айтты.

Еңбегінің мемлекеттік деңгейде бағалануы барша кәсіп иесіне ерекше шабыт беретіні сөзсіз. Еңбек адамның абырой-беделін көтереді десек, болашақта осындай азаматтардың «Әділетті Қазақстан» құруға өз үлесін қосатыны анық.

А.РАХИМБАЕВА,
Абай Құнанбаев атындағы
Саран жоғары гуманитарлық-техникалық колледжінің
қоғамдық пәндер оқытушысы

ВАЛЮТАЛАРДЫҢ РЕСМИ БАҒАМДАРЫ:

• EUR/KZT 535.13

• USD/KZT 480.63

• RUB/KZT 5.27

• CNY/KZT 67.76

Қазақстан Ұлттық Банкінің
18 қыркүйек, 2024 жылғы дерегі бойынша

